

四書約說

論語約說

與公孫繁興者

先進章

夫子爲萬世禮樂正憲章文武處

兩曰於禮樂直是指先進所爲夏商遺意後進所爲
末流浮靡各真種處野人君子直是必從必不從樣
子玩兩也字語甚決絕自見如字正教世人以躊躇
四顧意用照於字見禮樂正人心世道根本作用大
關合處故日用吾字正以一人挽時尚則字直恁力

量從更有舍此何適之意禮樂所以至今存也

陳蔡章

陳蔡厄于上下而總行言語政事文學諸賢不減四
友十亂唐虞君臣成周父子陳蔡師弟真个是千古
奇會是以夫子思之

非助節

以上句想像下句非以下句回護上句或作推原或
作抑揚俱非

於字要認直是吾言何能使回悅回於吾言無所不

說耳說固無方言亦借徑非夫子不能拈出

孝哉節

孝哉句要實發人不問非謂人稱其孝正好看父母兄弟稱其孝耳重在父母兄弟不在人也故曰其曰之言非真精底豫不能故爲孝

三復節

直是一段精神兢兢防玷處所爲善身善世俱在此

好學節

如許弟子竟弄不得好學顏子所以可思

請車節

知大夫不可無車則知士庶不必有槨

顏淵節

曰予顏淵故是夫子後身

從者章

夫人固所闢極大非第及門一人耳

欲厚章

直不欲負顏氏子于地下耳正以教二三子也

事鬼神節

事人正以事鬼知生正以知死直是欲其質鬼神于
民義求夕死于朝聞夫子所以告子路者已盡矣

付側章

四門等俱足任道若山句正是樂中陶鑄語耳

長府章

以與語代法言具見聖賢爲魯深心

爲長府原欲加賦如之何直是詰問語氣何必改作
爲言必欲改作是爲何意直刺中魯人心事了故夫
子曰言必有中已發明何必之意矣

由之瑟章

剔其瑟爲由之瑟峻其門爲丘之門而又曰升堂未入室可見奚爲正欲其于精微處求也

孰賢章

師愈正孰賢本懷猶字照賢字愈字冷却子貢多少馳騫念頭過正是不及處猶字內須痛發此意使刺入過字腠裏矣

富於周公章

如田賦一事孔子謂有周公之籍在求不能力爲諫

止便是聚歛附益處尚得爲孔子之徒乎且周公何
嘗以富聞曰富於己直指其竊魯以自肥了

柴愚章

四子俱學問深造者何仍從偏處指之蓋愚魯等正
四子本來面目人惟畱得本來所以不入鄉愿故四
子雖在變化氣質後猶得指其初而言之受病卽受
裁處不待言矣

屢空章

以回之庶砭賜之億不但對症恰好直是丹頭點化

了

回如愚者也聰明不事意見都消故能庶屢空正好
看一切淡穆寂然不動真種夫子拈出非但掃却子
貢貨殖習心屢中須要認則字正把這種聰明轉想
到屢空上縱過人穎慧也須冷然消歇億可捐命可
受貨何止不殖賜亦何嘗不可庶也

善人節

道直是所行之路故以不踐不入言之踐則爲迹入
乃爲室所以善人會須有深造在而君子聖人在是

矣

論篤節

論篤明是篤實第在言論了曾是遂與爲君子乎止
恐爲色莊所售不少所謂無關擦行意並可尋味

聞斯行節

凡行退怯與馳驟俱非夫子所爲敏行過行正論行
中精神而就衷節次自在故進退兩法直是要二子
行得恰好總是教以聞斯行也

拈父兄字直是取裁仍須擇人意

長臣節

可見死須離敢不得回所以至今在也

大臣章

可謂大臣非爲由求發問直是以若自擬了

異字對下從字直是不可一世之意以道二語正好
看異字

不從曰亦見不但不起這念頭金不肯跟人做這等
事直刺季然隱腸了內拈出以道不可而季氏之爲
季氏可知矣

費宰章

仕卽爲學原是正論子羔當日恰用不着是故二字以俟之可惡正在此費不可宰已過真道出了

待坐章

通章只何以以字盡之夫子原是論本領不是論作用所以何物體是也曰爲便者在作用上了求赤口角有談字意點血在素位本體上尋討便逼真以字真種子

子路等待坐正好看童冠與僭真光景以吾二語何

約說

八下論

六

管言讓爲國以禮之真精神已傳矣

曰則何以明是教四子于本領上尋味了

由不但率爾試看所言千乘等一步難一步可使等
一步好一步更逼露不讓本相晒正是以淡穆意掃
却他熱腸也

各三年方結局得爲字直于暮春迺別了

禮樂乃完得足民所謂既富須教俟直是熱心若有
推諉意便非俟字

宗廟會同正禮樂處願爲所以學禮樂也

各六七十及侯君子不能願學小相等俱見
言讓希等直恁從容不第以言爲之矣

從來心性功名不作兩截春春等逼真老安少懷用
行舍藏經綸作用俱從此出真德性事功打成一團
正是夫子以字遂不覺喟然與耳

已矣見原無輕軒明是个與字了

禮字直是讓字以禮正何以以字所謂夫子之志也
曰言不讓見唯不在志安見非那明是謙處六七十
等志孰能爲大則言讓已明明指出矣

克己章

通章只克己二字卽約我以禮一句盡之原自直提
了當故克己已字對禮言由已已字對人言視聽等
正克己請事正由已總不必別下一註脚也

已照下視聽等正見非禮從已生若克非禮根株猶
在克已則非禮並無安放處了已何以克主意在爲
仁體勘在復禮故克已復禮爲仁六字一齊俱有何
等直捷一目二字直恁了當仁原通天下爲一體克
已復禮天下有不盡入仁中故天下歸我終身亦難

言之天下歸仁一日可優爲了天下歸仁尚不爲爲
仁乎是以緊着爲仁二字凡事由我的甚易由人的
甚難由己不由人而是是爲仁歸仁正明其直捷了
當處故註謂見其機之在我而無難恰是由字真解
不然天下安有爲仁由人的夫子乃作此等寢語而
况以之告顏子乎請口是竟欲得條件以着實下手
正顏子直捷處故視聽言動正己字正實實與天下
交通者勿視等正克己其工夫已于前克字內說明
了只在視聽等說一日說由己說天下歸乃是日字

生面然不曰勿視非禮而曰非禮勿視正見以非禮
住脚便是克私以視字住脚乃是克己蓋直令非禮
無安放處正一了百當工夫也請事斯語正顏子之
一了百當處

出門節

見賓等是本領勿施是作用無怨是証候總是爲仁
故仲弓令下承當說者謂回之請事拈花之笑雍之
請事頂門之針近之矣

如見賓如承祭總是見賓承祭之心無時不有無念

不真不以出門使民或遺若干出門使民處求直是不勝滲漏了不欲于已認取勿施當體決絕正是放逸自不昏昧無怨固是那家在者爲誰故須到無怨處纔是爲仁則克復而天下歸行五者于天下皆此意

司馬牛章

不說認言是以爲仁却說仁者其言也認冒以仁者而又曰其曰也語氣側落直是能仁而言自無不認了明是得無認三字明是教司馬牛於所以認處求

仁若落却仁者二字第曰其言也詎自不足謂之仁
矣爲之難直指其兢業精神其難之難非難易之難
也正是拈出仁者二字得無詎直是其也二字真象
了詎言不足爲仁得無詎則仁已盡于此矣

問君子章

不憂不懼直從君子來正非在憂懼上得力者去君
子二字便非故內省句工夫本領俱在此正照出君
子字夫何憂何懼尚不足爲君子乎

兄弟章

曰命曰天正教之立命格天非欲其諉命棄天也故以聞字証之語氣原自鄭重人但能實實盡得敬恭道理人人俱在感化中了是立命格天實際處君子亦求諸已而已矣

問明節

不行只是明鏡在我物來自照所謂不億不逆抑亦先覺者明遠固在此故各口可謂疊上三句正好看明外無遠正不必以遠求明了

足食章

通章只一信字流注于足食足兵中貫徹于去兵去食後故兩必不得已正剔發信爲千古爲政之大經萬萬無可去者正夫子經畫手段

須藏富于民寓兵于農朝野蓋溢方是足全是上人一段爲民懇摯心腸變勃流貫民安有不信者乎故信民已在足兵食中有了去兵正見信不可去蓋民足而有信仁義可爲甲冑去食蓋見信終不可去蓋無食而有信效死而民弗去于必不得已中各有經綸作用在方爲政不然直是無策了自古皆有死不

盡在無食無兵民無信不立不特在有兵有食故兵
食可去信必不可去也正好看經國大道理斷非輟
轉權宜可從事者

足食足兵須說到信處所以爲王道之經綸非同于
伯術之富強去兵去食仍說到立處所以爲得道之
多助非同于失道者之委而去之也

棘子成章

子成主于矯世近夫子寧儉之肯子貢主于持世近
夫子彬彬之說蓋文勝則質滅文亡則質晦兩存之

而君子所以爲君子可知矣。

有若章

哀公策救荒有若策脩荒日用不足便不知用從何與曰吾更已岐百姓于秦越了惟徹非取足于額外亦非取救于日前玩盡字乎字正見足國大經萬萬不出此者君之足不足民與之民之足不足徹之行不行撻之求足國于加賦用所以愈困如之何其不徹也

子張問崇德章

德只是一个忠信要崇德先定主義卽于此中徙了
惑只是一个欲要辨惑須祛欲惑已于此念斷了總
是的切了當工夫

君君章

君君等卽是政非謂政由此出善哉直是廻想在已
身上故吾字大有猛省

片言章

由何以片言折獄故非無宿諾不能

聽訟章

聽者以言論天下者也。使則大畏民志靡爭而天下
化矣。必也有不勝企及意。

子張問政節

何以居曰無倦是要退藏處天行不息何以行曰以
忠是要作用處性真流行直入子張勝裏處。

成美節

直是一個君子便長養了許多君子變化了許多小
人。

李康子問政節

不正皆生于取孰敢不減大畏意故非子帥不可

患盜節

不欲何遽無盜蓋實有不攘不奪安生樂業在

就有道節

殺字何等殘忍以就何等驅迫善字何等慈祥欲善何等直摯而民善何等感化兩子字見樞紐直在一身了風草等正足欲善句語意明乎子欲善直爲君子之德不但爲有道而小人并可以德言不但爲就有道矣

約說

六下論

三

子張問士章

通章要在機鋒開合處見精神非徒嚴是非之辨直
已爲千古士人正達統了

張弟子聞處証達便是聞非達了夫子所以早知爲
爾達也

直便非周旋世情義便非侈言神化曰質曰好及觀
察慮下等屑屑打向內去無非闇然默然真精神那
家安得不達

仁便有馳騁義義載意正與直反色取正與質反行達

止與好義反曰居曰不疑正與觀察下人反皆有時
向外去邦家必聞去達何嘗天淵了

從遊章

先事使有無窮工夫攻惡便有不二精神非惑其正
欲于此類辨之搜剔其所以執迷不變處

愛人章

通章只是仁非知不成所以鼓舞一世全憑鑑別真
作用曰愛人知人便見仁非照照知非察察舉錯明
是知字能使正仁行知中了是以遲謂能使無當言

無口說
仁不出

知仍是未達了商謂能使不止言知弟卽選舉以証
舉錯不仁者遂以証能使夫子言中之意了了愛人
知人之說暢然矣

子貢問友節

善道所以行其忠不可一二語正善道中事也

會友節

爲仁由己友畢竟是輔原非全靠定人所以兩以半
且憑自家作主了

又會使非無伴友輔仁取精在會不在文也因非君

子不能以之

子路問政章

曰先之勞之先勞亦何窮之有。原本指定何事。限定何時。正好看精神紆摯綿亘處。請益便是倦了無倦。非第成先勞正斷却于路請益之根林處也。

先有司章

通章只以持大體盡之曰先則次第已舉矣。曰放則所全者大矣。口舉則所觀者多矣。焉知一問正打入舉字精微。爾知爾舉人知人舉。未嘗不精未嘗不盡。

納說

八下論

去

不但所舉者立少而觀多並舉者直取人以成大了

衛君章

夫子以正名救衛亂如孟子以不嗜殺人一天下都窮其病之所始而藥之蓋正名只是正其稱名使祖還祖父還父正非迂處觀末于其言句可見若說更置衛君則是更其實非正其名矣

堯父一問煞有見識所謂舉一政而次第畢具者必也正名正見今此無第一改正先字言事禮樂等都在此後兩必字皆此意

名不可不正人知之慮于行後慎于言時正中作別
人所不必知闕如非但凜然退然尊諸心不敢出諸
口直有靜俟辰告攸裁公論確定意

不順等一齊俱有只節節推出見正名不可不先不
與卽不序不和不中卽必濫必淫至無措則國固不
可保矣

可言二句上正字內已有了只要就不順等別醒必
不可不正意故以故字領之以兩必字應之

名不正明知其不可言而不免出諸口是卽苟且言

約說

下論

五

之矣。所字正指名說而已矣。收括不順等却回照必也。精神處衛君只緣苟且得國一念便把祖孫父子定分有不遑恤。夫子故以苟字挑發之。

學稼章

總見爲學須在經世處。用心曰老農老圃便非君子所托業了。上字用得奇。蓋學稼圃則小人矣。敦禮達義體信則上矣。正不以在位不在位言。不以獨而遺衆故。聰民有禮義等不以事而蒙真故。禮義等有好求爲堊賢行爲帝王學術作用何等宏遠。四方句在

破信等已有了正是上字景象焉用直是不足學了

誦詩節

達與專一類學詩者左右逢源化裁在我何至依樣
畫葫蘆可知誦學便非學了爲正誦字點睛所謂周
南召南之爲也

其身正節

從與行不同行自行從乃從上所謂上有好下必有
甚焉者矣

魯衛節

約說

一下論

子

魯可至道何難一變竟以魯衛相等乎

善居室節

世界缺陷全是自心缺陷故苟且一念正好用在世情上苟合等公子荆有多少淡遠受用處不畜不察知止知足無貧無寡俱于居室內見之矣始有未便是合曰字苟字次字有素無願通真善字

適衛章

庶哉一嘆有低徊留之之意正見可爲富可爲教而富教直加之也冷眼熱心內有夫子共之矣

用我節

可如何可成如何成正在用如何用夫子迫欲用我
作爲功化各已歷歷自計計月三年惟用我者揀之
耳

善人節

幾在勝不在殺誠哉是言正夫子一字一淚處

王者節

如有字必字而後字無限想像企及正見王道皞皞
氣象欲速見小則伯圖而非王者矣

正身節

從政無非正人故須正身

何晏節

政出于家雖政亦事吾與聞正見其不可使聞也政事二字可當一部春秋

一言章

幾與喪于一言與一言以興喪自別故各曰言不可曰爲君難又曰爲臣不易明是兩言了直須掃却不言纔是一言故有一毫推諉責成代終分過意總筭

不得知難了那何遽以言興也

不亦善只是不至喪那便是善了

葉公問政章

說來何可強得兩者字更是近無不說遠無不來逼
現撫綏懷柔真精神處此外尚有政乎

莒父節

病根正在欲與見字上纔有欲便速欲正與王道之
恬淡反纔有見便小見正與王道之渾噩反不達不
成正欲與見所發之証候也故緊用則字總是清政

本不是論流弊

直躬章

直在心不在躬曰躬便與在中迥別了証父攘羊夫獨非人子與畢竟不是本念直者率其本念而出之者也纔落轉念便有曲折若父子相隱卒然夢魘中亦自如此不必着擬議而後隱也故曰直在其中註不求爲直四字說得直恁癢痛

居處恭節

何以恭何以敬且忠直是爲仁真工夫棄字說得極

○初見恭敬等一念稍斷直是把前功盡棄了

行己章

通章只要照顧有耻二字有耻正是研几克己學問所謂不爲不欲直從行己中合併交注無一行少寬一念少懈故曰有非謂行有可耻也使命不辱正行己有耻内一事曰宗族鄉黨見四方可無表見孝弟必不可漓曰必信必果見聲稱可無彰著信果必不可失總是耻心所葆固故皆可爲士硜硜直是不浮慕變化處與小人類象正與大人合真故曰抑亦可

以爲次斗筭只是伎倆上沾沾自效行已處全無把握卽有炫世才華總不補真心疚惡如何算的曰何足則所以動其耻者至矣

中行節

中行中道上行者本體學問俱有進取者取此中有所不爲正于中有爲必也句直是一毫不可移易意夫子以狂狷兩者收盡從來有道真種剔盡世間假冒根株所以與之者精矣

南人有言章

巫醫不可作何等可羞或承者直是其來無端意何
不干本心上一自考驗知可羞何自承則恒德必不
能無矣天下事亦何不可作之有

無恒只是彼此交馳前後相悟意多說似無誠甚非
和而不同節

和固有節制劑量在同直是雷同依附了故須于君
子小人上拈出根宗

鄉人皆好節

皆好則假中行出矣皆惡則假豪傑出矣唯從氣類

夫子曰
以方人

剖判始可得真人品是以好之惡之之人正不可不
察

易事節

事以辦天下悅以爲一身易事難悅則悅胥化而爲
事難事易悅則事胥化而爲悅君子小人所關于世
道人心正大

是悅便不是道故各曰不以器使求傳正從悅不悅
來故各曰及其正剔發君子小人處

君子泰節

恭從道德生來正好看無敢慢景象驕從意氣使出
帶好看無忌憚真種故卽于君子小人辨之

剛毅節

剛正配仁之直養毅正任仁之遠道木訥正不爲鮮
仁之令色巧言者若說到涵養究竟處便直謂之仁
不謂之剛毅木訥矣故近只在合下處論也

切切節

正在德性涵養上說切切等直是想像出一段中和
意象如也更好看養盛學到處非直以詞氣顏色言

者故曰可謂士朋友二句非謂肖物而付正是指出如字朋友固切憊不能盡兄弟固怡怡不能形容者

教民節

教民直是教以孝弟忠信原非計及卽戎故曰亦可方是善人之教卽便有安然貼然意並好看善教真光景

以不教節

用不教之民于戰忠義薄而潰敗必矣棄字何恁殘如况以未始簡閱之民戰耶

憲問耻節

有道正須用世無道正須救時曰殺直是全無作用
挽回學問本領安在故皆曰耻也正見耻非一潔修
便了要在大有爲處尋求巢許沮溺皆非也

辭粟脫身于殺外耻殺效身于殺中聖賢作用自見
克伐章

在克伐怨欲上做直是制私在仁上做克伐怨欲自
消了故不行可以爲難不可以爲仁曰不知正要憲
于拔本塞源處自討个分曉

約說

天下論

三

懷居節

試想不足爲士當是怎麼樣人懷居那有不水滄了無求安方爲好學在陋巷方能不改正好看懷居不但不可直恁不足蓋一懷居賢聖根基都斷了

危言節

從來世界全靠道脉主持故有道無道正見治統道統合併處不得泛以治亂目之

危字正好看四虛無倚不依名不傍節意

行無時不危所以雷天地之氣言有時或孫所以濟

人心之窮所謂神龍變化非關世法周旋也

曰言孫直是把柄在手若孫言則一味柔媚矣故言字位置上下止妙

有德節

言勇何可必有言有勇則可必若言者勇者則徒言徒勇而已矣德仁不可必已不待言

于各上句須痛發有字直在德仁本來處說不然是以言勇証德仁何以又曰不必有德仁乎

弄善射節

系詞 卷一 論語 子罕篇
羿羿二案直是惠吉逆凶既斷世人俗念並掃學人
意氣故是尚德

不說羿羿篡逆却言其善射湯丹不說禹稷功德魏
煥却言其躬稼正爲構力道德寫真

尚德正點醒兢權尚力處非爲遁言也

君子不仁節

刻求君子正斷絕小人依附之路故矣夫者也語氣
原自側落不然小人不仁何待說

君子淨理中之欲小人認似中之真斯又兩得之矣

愛之節

勞與教不同直以父作君誨與諫不同直以臣代師
兩能勿見愛忠逼出便渾淪一愛忠了故特出愛之
忠焉在上明乎是愛竟不是勞是忠竟不是誨了
愛忠字讀得重能勿便了然矣

爲命節

要重四子和衷體國上各抒所長不嫌表異通爲裁
定不嫌露短同心共濟至此獨辭命之善也哉

惠人章

人字彼字作用事功俱在奪伯氏段拈出爲人字一証耳

無怨難節

拈出難易正要人到處一化齊地位若沾沾在貧富上較便呆了

孟公綽節

爲老可優趙魏以爲大夫無一可者玩以字語脉遞貫直是畫出一個不欲真氣不非有抑揚意

子路問成人章

通章只要看兩個爲字正是所以成人處若字直貫至禮樂蓋鎔偏爲全化粗爲精處正有真學問在故曰爲成人亦字正對公綽等猶言若此亦可以成人本領全在文之以禮樂上了今只作現今非古今之說也夫公綽等豈非今人乎何必然見不必從人上補湊只此見利等的切行誼有本真誠才猷文飾俱從此出正尋出若字文字根宗以爲成人何不可正教子路自出手眼直捷了當故曰何必是以各結曰亦可以爲成人矣語氣絕無異同何從低昂惟是誤

認今字遂致愈解而愈不可通矣

不曰禮樂以文之而曰文之以禮樂是不但化四子于禮樂並化禮樂于吾心直是丹頭在握了

公叔文子章

人情不相遠中庸不可能矯情造中兩不可信夫子正非爲文子慮也

以防求餘

君何可要故卽以防拈出真个春秋斧鉞

晉文公節

權以濟事曰譎俱着在尊王上若非尊王則止譎俱不足論矣

桓先于文乃從文說起語無側落意有遞注見文公已不如桓況學桓文而差焉者乎

未仁章

糾與自俱出王公子白先人得國社稷有主君臣始定仲何必以死殉糾哉不然仲誠可死功何足贖略死稱功夫子何以教萬世爲人臣者九合諸侯攘夷正以尊周仲豈不知有君臣者哉

不以兵車免却多少殺戮全活多少生靈直足培養
天地元和了故疊曰如其仁

又相章

一匡要在尊周以攘夷上不至爲被髮等正受賜處
爲諒正好看聖人語下斟酌處蓋明說可以無死則
忽死未當人誰忠于所事不說可以無死則大節已
虧功業亦何足取所以稱其功又言其不爲匹夫之
諒便是管仲定案了

同升章

日與文子同升是不但文子志凌已之念並使倏志
偏上之嫌真可謂純心爲國經緯作用孰大于是故
曰可以爲文

子言衛靈章

治賓客則有以結隣國治宗廟則有以萃人心治軍
旅則有以消外侮然何以各任其治何以得竟其治
靈公雖無道尚可謂有君臣矣

不忤節

言何以可忤正忤其不能爲也不忤則耻念一懈奢

系言
發本根已早斷了故爲難卽于不作時見之

陳成子章

請討則罪加齊臣權收魯君正爲東周一大機括處
哀公不能令三子不肯共徒使夫子兩日以吾從大
夫之後不敢不告固明其當討則陳恒已討矣

勿欺節

凡落意氣卽是欺勿字有致知慎獨工夫在玩也字
直是以勿欺盡之而字大有徬徨四顧意蓋不得已
而犯非教以犯也故不必爲犯以戒欺亦不恃勿欺

而遂犯則犯亦是勿欺了

上達節

上下在君子小人內有了達直是一往不任意分處
只在上下達去不啻千里所謂以利善之間分舜跖
也故上達下達非達上達下正欲人于所以君子小
人處着手

為已節

學同而所為者異正在一轉念間耳古今豈遂懸絕
哉

時習不求人知參贊似以盡性爲人者反是

遺伯玉章

曰欲何等欣洽曰寡何等搜剔曰未能何等競憤却單拈在過上更是夫子假年學易無大過真精神兩人莫逆正在此贊使正所以贊玉也

君子思節

正好看聖學宗傳思自有思之位故曰其所謂遊神萬物上下千古而本體未嘗移動分毫也蓋一越其位神蕩不守并不可爲思矣

耻其言節

耻正行的精神行止耻的力量故過卽于耻中有了
我無能章

既說君子道者三又曰仁者等仁知正能之象了不
憂等因是君子之道正好想像出無能自道光景

自道猶言夫子自家說話正是如此明乎夫子純亦
不已相忘于地位之所至了若謂道君子正是自道
子貢弟以君子定夫子矣安在知聖

方人節

約說

天下論

子

方人與知人不同。知人則于我心致知。方人第于人上。比方蓋知人而誤用者也。賢直是深造有餘說。話正暇之象也。不暇實有汲汲遑遑意。我字點撥人字。正善用捧喝處。若以已與賜較。夫子亦是方人。了然鑒深我字與捉定我字則又凝矣。

暇則可方人乎。不暇直是無時可方人意。

患不能節

知正以知其能。能何窮。不能何日。可能正終身奮勉不盡者。患直是實用力處。尚得患人不知乎。

不億節

有觸纔有覺。覺何得先。先覺正如鏡在懸。物來自照。照未嘗不在物先也。故先覺直是至誠本體。覺先便是億逆本相。抑亦者模以快活語氣。非轉語也。見不億不逆便是先。先則未有不覺者是賢。非賢其覺賢其不以億逆亂吾覺也。益見不億不逆性地上。故有致知工夫在不然。便非不字了。

丘何爲章

栖栖只是不固疾固。正所以爲栖栖者。

驥不稱節

驥便是稱了何以稱曰驥豈非不以其力以其德若
于驥字外另尋稱德不稱力固自索解不得

以德報怨章

以德報怨便開匿怨門路故拈出直字

莫我知章

正好看聖學真宗門莫我知與不知我大異如所謂
証修處無奇異奇異處無証修正此意玩也夫直是
自信自叩意正好想不怨不尤光景下學上達知我

其天消息已金傳出蓋不怨尤直是不馳驚炫耀皮
下學所謂埋頭做去而上達見上達固在此原非過
求于下學外者知我其天蓋所謂可獨喻不可以喻
人耳句句要拈爲字要認莫字不然直是患不知了

公伯寮節

景伯誅讒聖人安命均不可少

將行將廢處正各有毀譽在

辟世章

辟與隱不同隱則堅意不出辟則不得已而逃焉者

約說

下論

三

也故曰賢者曰其次層疊言之非有輕軒正輟轉不欲終辟意

作者節

作則遠引以去直是不復出了夫子非傷世之亂止傷七人之果也

石門節

不可爲而爲正是夫子是門意則非而言則是矣

擊磬章

果與固不同固而是忘世果則忘世之心一刀兩斷

處正照斯已斯字末之難見夫子正爲其難者可已
不已中心原有痛不忍割輟轉而不能已處玩既而
曰三字荷蕢亦是轉念故夫子卽于隱腸刺之

高宗章

聽于冢宰卽不言便無妨了

上好禮節

好禮非爲使民而民自化于禮禮何可不好

修己節

正是從天下說歸已處非是從已推到天下只君子

勞力安
際

求諸已一句盡之人與百姓有一未安便是缺陷便
非修已見爲已安便是馳騖便非以敬君子不慢一
人不輕一物天下何人不安頓于此心兢業中所謂
篤恭而天下平戒懼恐懼而天地位萬物育也此正
實理實事故各曰以安堯舜猶病正敬之象也

所以不
敬

兩曰如斯卽此便是馳騖便是不敬故以安人安百
姓通綰于修已中總不再拈以敬直是安人安百姓
可能而以敬固淵乎其未有已也猶病已逼真傳出

夷俟節

夷俟便有視父子兄弟少長生死總不關情意

闕黨章

欲速卽于居位並行上拈出可見孝弟實行正夫子成就後學處

問陳章

靈公一生誤處正在禮教如逐子立孫異日宗廟俎豆間成何具象故俎豆一對與正名同所謂折衝樽俎也

曰聞直是有根據見帝王聖賢所必不廢者曰未學

正是不足學了

愠見便非素位意固正所謂若固有之也濫則不啻
願外了

女以子章

從多學起見卽一亦多從一貫認宗卽多亦一故直
曰一以貫之所謂根宗見而源流自合也若多學而
識則以一貫之者也女以子明乎非夫子自謂正是
非字故曰然曰非機鋒捷投正賜一呼處逼現之

由知德節

曰德正自心所已得者非細心體認何能研極精微
特呼由正是誨汝知之意

無爲節

無爲直是行所無事夫何爲哉正所謂行其無事如
欽若敬授等那一件不是因天因人恭已句正凡一
段精神默運聲色不大處故曰夫何曰已矣總是足
無爲非証無爲也

子張問行章

從來論言行第曰信敬足矣何以又曰忠曰篤蓋求

紉說

下論

三五

信于信言未必信求敬于敬行未必敬故須忠篤直
金信敬打入淵微處正拔却子張病根參前倚衡正
忠篤之象夫然後行直是欲不忠篤而不能已也書
紳正參倚意

史魚節

正是兩大夫合傳魚之道貞玉之道圓均于世有大
挽回處

如矢兼言行可卷懷者伯玉綱旋四朝未嘗卷懷故
曰可

可與言節

失人失言總是不能致知智者無不知之人則可與言而與之言不可與言而不與之言矣故不于人論可不可直于已論失不失耳

志士節

本艾仁字三見竄要着眼首句猶言士有志爲仁人者無求有殺直是覲定仁字俱有惟一惟精處所以爲志士仁人也不然無當于仁便直是俠士了

工欲善節

事須吾善器須吾利故爲仁正在事與友不在大夫
士也居是邦三字宸妙正見無地無賢仁只在我能
事與友耳是以日爲仁由已

事字何等謹凜友字何等沁洽卽此便是仁了

行夏章

通章只一爲字盡之

行夏時乘殷幣而當代獨取其冕明是監二代以損
益周制意至于樂則韶舞直是轉王而帝玩則字自
見正此章點睛處所放所遠凜凜于淫始直是惟危

惟徹徹始終體樂而無一念改懈者更過真堯舜兢業了

行身等直要得其所以敬授欽若處陶鑄百王正在此不然直是夏時行非行夏時也所以各句俱要拈爲字意

遠慮節

慮不遠正以釀憂故曰必有故曰近何恁迫切

好德節

好德如好色正指以好德真精神所以望之者至矣

竊位節

知賢而不與立。金自家位。直是竊了。正好看薦賢。必不可已處。

躬自厚節

玩則字始知聖賢。但有省躬法。原無諸世法。若就怨上調停。徒自成一鄉原耳。

如之何節

只此不曰如之何。如之何便已教人如之何矣。夫子真个巧心。

天下無難處之人只消三个必自反天下無難處之事只消两个如之何是也

羣居節

分明畫出土匪的樣子只要他想他難處便是轉頭時

爲質節

玩首尾兩君子直是形容讚服意總在事上說與精義無干

君子正所謂深造逢源淵泉時出者義禮孫信渾然

新說
全備應節符合故義以質非以義質禮以行等皆若
此時措咸宜故是君子現身結一哉字學問作用逼
真傳出了

病無能節

能所以爲知能何窮病何時已故曰堯舜猶病

君子疾沒世節

沒世何能疾正恐當下錯過所以惟日孜孜正此意

求諸已節

求與爲不同爲則指其隱衷求則按其實力求固無

處不到無時肯休。君子小人皆然。各着諸字。君子無求非已。小人無求非人矣。

君子矜節

須看兩而字。凡立異尚同。皆緣識見學力未到。君子直以中和本領主張世道。故矜不爭。羣不黨。而世多借君子以標榜。何爲。

言舉人節

不舉不廢。各要說到極關係處。便欲舉之。廢之。而不可得矣。

一言節

行正行之已以施之人不欲勿施非解恕字正指所以終身可行處

子貢從一言說起夫子從已說起其恕乎三字周說一言正欲子貢尋味反求所以能恕處則已字不欲字已了了矣

誰毀章

通章以直字爲本領精神只在斯民也三字人字卽民字吾于人明有个直字在誰毀誰譽正是毀譽無

所容并毀譽根株已斷了者字正人字如有仍是錯
字意試固自始要終卽大槩細正有欲不試而不可
得者斯字何恁現前民字何恁公道正澆漓見渾朴
之遺人人具是非之性也所以直道而行不是說直
道行的去直是說毀譽用不着上下千古正誰字大
結聚處三代映吾字夫子已躋斯世于隆古矣

闕文節

史闕文馬借人正大有關係吾猶及且嘆且幸又曰
今亡玩矣夫更甚低徊非謂今昔頓異直是卽昔以

說
挽今也。

巧言節

正要立德者自持其心勿爲巧言所眩立功者自大
其心勿爲小不忍所中耳

衆惡節

衆與公不同公以心言衆以迹言好惡何至合衆非
大賢則大奸所以不可不察

弘道節

只要把人字看得大讀得重能弘道便自了了非道

正是上句從來能弘愈說愈不透正緣錯過人字舍人安所覓能弘乎

不改節

既已謂之過矣又曰不改是謂過下句蓋証上句非轉語也是以不遠之復竟不名爲過了

不食節

不食不寢明是盡个徒思樣子故無益不如學非謂思可盡廢須思而濟以學耳致知格物盡性窮理固自分用不得

謀道節

憂是主意謀是工夫。謀正是學處。餒祿皆食字。意各在中。正是洗發。謀道猶言食未嘗不在道內。而君子不謀也。註用然其學也。作轉便見君子固有憂迫于中。雖欲不謀道。分心謀食。何可得乎。總只謀道二字。不謀食以下。皆註脚何等直捷了當。所以爲君子之學。

每若耕也。二句枝節。葛藤那知。王掃蕩謀食別醒。謀道文字精神處。正在此。

知及之章

知及仁守何等精微渾淪却說到莊蒞動禮正見仁
守缺一毫不得方爲知及

須要卽及處見是知卽守處見是仁卽敬處見是莊
卽動處見是禮

及是及到何處已括盡莊蒞動禮守是守个甚麼莊
蒞動禮不待言了

及字是請到非是想到故仁字但曰守耳
曰不莊曰動之全是說自己非說到以上

小知節

君子正不器者也。未嘗無才藝。但小知不可大受。則所全者大矣。小人反是。小人何嘗不可器使乎。

知則見知。受則無所不納。二字已傳出大小真象了。

水火節

於仁便有蹈字意。曰民于仁更有責成意。于水火能全生于仁。直全其生生者。故曰甚下二句。直是仁未嘗不全生。益見叮嚀責成意。註况字可味。若作甚字註脚便索然矣。

當仁節

不讓止完个當字讓于師正不能當病根夫子所爲
善醒剔處

君子貞節

貞與諒只爭個信理信心君子正窮理者所以無毫
釐之差

敬事節

事非敬不盡逼真克艱精神後卽在敬中有了

有教節

說見無字林話

玩有無字直是教立而上下知愚俱入陶鑄所謂知之成功皆一處若作立教便于有教語氣不倫

道不同節

同有道中而大小偏全各異故曰道不同非不同道也不相爲謀直令他各自安頓分成其是而共濟其公不謀正所以善用之也

辭達節

辭要說到關係處行乎不得不行止乎不得不止所以挽文勝而追圖畫處正在此

師見章

夫子隨遇指點何處不是說階說席說某只是受者不能如師見之見觀者不能如子張之察固字見道自師見帶來而我第因而付之耳

伐顓臾章

通章只是伐生于欲欲成于患故不均不安而傾且立至所以爲蕭牆之憂也

曰伐顓臾不但無魯直無周了

不曰伐曰有事是爲之辭矣後又曰今不取爲子孫

憂故曰必爲之辭

提先王作主以且字是字遞之以昔者何得謂今夫
顓臾謂東蒙主何嫌于固在邦域何嫌于近爲社稷
臣又何嫌其近于費乎

不能者止卽下不能來不能守了危顛正傾之說離
析之象譖動干戈以釀禍譖增則不但不能持不能
扶矣

曰聞明乎有先王之經制在曰有國有家明乎各享
其有便是均安了均安固有和在而無貧無寡自不

至于傾故入和字無傾字蓋者正頓出不患其精神處

文德照前欲字修照有事來照伐安照取

邦分崩所謂國不有共國而家臣何遽離析家並不有其家矣

曰季孫之憂使不暇爲子孫之憂了

通章照顧蜿蜒處一字一棒一棒一喝不啻斧鉞凜然真夫子爲東周手段

天下有道章

約論

八下論

聖

政從道出天子建道揆諸侯等皆爲天子守道者道
失而政失諸侯等無不失作春秋正廢人之議也
有道直是天子以道行政而禮樂不脩征伐不濫故
臣下不得竊之無道反是疊言自諸侯出正見諸侯
作僭大夫效尤陪臣蓋天所假手以速大夫之禍者
曰國命並不足爲天子之器矣

諸侯失失之大夫大夫失失之陪臣陪臣抑何失爲
兩曰天下有道天時人事聖心逼真指出

不在大夫從不在諸侯來而陪臣愈可知庶人不議

直自傷春秋之作而惘乎有餘思矣

公室節

微正政奪祿削夫子非斷三桓宜敗直是與公室復振意

三友節

直是益損不在友而在友之名其曰益者損者明是自取益損了曰益矣損矣明是益損已在友中了故直諒等各提友字在上蓋友直而非直友兩者字兩矣字愈了了矣

約說

天下論

學

友直等何容易正非真心取益不能

三樂節

只看三樂樂字就心上說益見上三友友字非指人說益損惟所自取不待言了

節禮樂非禮樂之節直是我能節禮樂而一段欣洽不容自己者故曰樂節

人善何以道賢友何以多舍己思齊處已在此樂安得不足

三愆章

以看付于君子四字須平且有治心檢身工夫在非
欲人臨時取辦

三戒節

三戒正好看庸衆生于血氣君子生于精神
色等粗打入戒字便精就中體勘正非大智不能照
大仁不能守大勇不能斷聖賢着已精微處固不得
易言之也

三畏節

知正所以畏處君子小人只爭知與不知

畏便是實心體驗求無愧于三者非真知不能故下
曰小人不知則所以開示小人者至矣

生而知之節

上下二字乃對照拈出次與又次正言合非言分所
謂及其知之一也

生知何以不言學謂不學便不是生知了故生知而
學可不必言矣困學何以不言知謂不知便不是困
學了故困學而知亦不必言矣斯爲下因而學民亦
未嘗是下也非以民字斥困字正以民字見困字困

正與愚不同。孟子所謂困于心，不困安能學乎？
白沙云：愚夫與知與能，難道非生？孔子忘食忘寢，
道非困上焉者。從生處學，學處困下焉者。從困處學，
學處生得之矣。

九思章

思者聖功之本然，思亦何窮？君子所以約思而歸于
九。蓋道理莫切日用，脫空固落，枯寂妄想亦屬馳逐。
九思正慎，思處惟在本原上提醒，所以分用而不擾。
日還而不勞，迭注焉而不膠也。

人都是觀思見。君子是觀思明。直于不觀處求觀。聽色等皆若此。故爲有九思。

見善章

正是夫子進潔身于善世。如不及卽思齊。意如擇湯卽若將浼焉。意此亦可爲獨善其身者。其志正有個道字在其道。正有個志字在隱與處不同。有藏修意。行與仕不同。有表見意。故各用以字。乃所謂修身見世兼善天下者乎。

齊景公章

曰無德而稱則稱之蓋稱其德也此正是異處
景公削其國而數其馬夷齊著其餓而不及其死夷
齊所以至今有也

異聞章

叙述問答處猶眉畢現斯二斯字非但無異聞直見
千古道脉學術真不容異擬者

邦君節

曰邦君之義便是與君敵體者下句句俱打照邦君
字妻字是以君一正夫人之稱而自稱人稱中外翁

然止所謂名正而言順

陽貨章

通章總是孔子因應神機正經常道法到底是孔子
不見四字

此處和
通章

時字明是時中様子將字正待價本色塗中間間問
答陽貨自述夫子作遠直是見本常見光景誅少正
邪却聚兵去作用神力都在此若一着驚疑便犯手
脚矣

相近節

性原自渾同于習中見性彼我不殊故曰相近習何
啻倍徙于性中見習利善分間故曰相遠皆就幾微
初動處說正欲人善挽之耳

唯上知節

不移原非不能移可見不移所以爲知而上愚而下
上下名目正就不移處定者故困而不學民斯爲下
正此書註脚不然夫子固曰習相遠而又謂性相遠
乎唯字直想到上下未分時正知愚可移說話

絃歌章

通章正夫子以道易天下處第知絃歌如何便是道
如何便能愛人易使莞爾泚心言是妙用俱見之矣
莞爾直是喜了焉用正是欲大用意故下曰言戲明
乎言則戲而笑則真也

學道二語夫子之言何以曰偃之言蓋昔已時異歲
殊且聞諸夫子時二三子未必不儼然俱在而見諸
行誌諸心出諸口獨假一人故非夫子之言直是偃
之言了夫子所以喜假者至矣

公山章

欲見者固所謂陪臣執國命三桓微矣之意然只是
欲見而身不必往卽何必亦明知是欲見了如有正
所謂欲見者與周道于東方直是夫子生平夢寐不
忘處若認真公山用我陽貨欲見寧異公山夫子何
等說話而謂夫子真往也從來說夢正緣不識欲字
能行節

行五者于天下王子張本懷能行便打入精神鬱勃
工夫紆摯處如所謂信之忠敬之篤也何以有恭寬
等正在能行處見故不侮等正行之象而恭等各着

則字直喫力處。正所謂能行也。

恭寬等个个都是仁字。非以恭寬等爲仁。也不侮者。誰功于何見。直是天下衆與人字益明白道破了。

佛脍召章

欲往與公山之召同然。由之言畢竟是欲往。身不必往了。磨涅瓠瓜等意。總是影子。明明寫出一個欲字。若認真尋解。謂無通土之累。無貞土之拘。豈但入水撈月。直是破鏡覓花了。

予之往也。如之何。原在欲往時作商量。

六言章

正是教子路道問學以尊德性意仁知等何得喚做
言字直是不學則就中精神作用都不在了故但可
名爲言不可名爲德言安得不教

言教各有六種總只一個學字所謂一關旣破百教
皆通非有學以治愚復有學以治蕩等也

學夫詩章

學正與誦字不同何莫學者正謂學詩取益無窮受
用無方也各可以正好看學字意蓋深造自得無詩

非與觀羣怨故各曰可以若執定某詩配某件仍是口耳章句是誦非學了至邇之遠之更明是遠邇皆宜左右逢源意多識王有一貫在學字更明白寫出了

周南節

爲字註訓猶學寔是學者詩在而我學之爲則詩自我出故周南召南皆文王道化所成女爲直是身體力行將當日道化直從我身做出矣乎二字正見一修齊而治平無餘事矣正牆面蓋道無始不行化無

基不立也

禮云節

玉帛是物鐘鼓是器原筭不得禮樂正以禮樂都是
精意失却精意三千三百五音十二律直是物與器
了故以玉帛鐘鼓視之云乎哉直令白尋白近意

色厲節

色厲正是畏人知光景便是小人了何必又譬正要
剔出他曖昧情事故曰穿窬之盜逼真寫出色厲了
鄉原節

鄉原何以得名正是全體精神盡向世界陪奉所謂
無瑕之石也故曰德之賊

道聽節

聽何必在道說何必在途只是形容个入耳出口略
無停蓄體會景象金聽字說字俱淺露真光景了
德之賊本無而欲竊之德之棄自有而自失之

鄙夫章

鄙夫正在患上命名自窮到底非責鄙夫正責與之
其事者耳若無與彼何從有得也

患得亦是患失心腸只是權微則力有所難逞始追則心有所顧忌尚有至有不至耳

古者章

曰民有正見學問中人並疾亦變化之矣亡直是喪失意或字乃模擬語非不決語所謂機械變幻中按其從來而無可按窺其結聚而無可窺也而已矣正亡字要指其肆等正砥其蕩等所謂用古以變今也

惡紫節

朱紫雅鄭原各分途只人爲所奪爲所亂耳利口何

齊佞人正舌端有鋒能使是非賢否混淆莫辨所以
邪家覆亡端在于此惡須在窮理知言上着力也

無言章

予字照下天字所謂無隱之吾也欲無言正就有言
時提出主宰卦前之畫原在卦中刪後之詩仍留詩
內若令行生更求何言何言亦口中屑也故予自有
言予欲無言若不言則緘口矣不言正予真未悟處
第看時行物生千古來那人聞得些子兩焉字明是
行生于無言中也時物總是人行生總是無言所謂

教者默述者亦默故兩曰何言何言正無言非不言
夫子所以欲無言也

欲見節

辭見不如辭疾之意長使見不如使聞之念迫直是
聖人大慈悲

期已久章

三年之喪非謂能報父母之愛也正有欲不三年而
不能安所謂仁也禮樂從此出矣

可已便是幸我安處夫子連用三個女安喚醒見人

約說

入下論

三五

都不安而女獨安乎

飽食節

無所用心者已其心者也直是昏昧放逸了難如過
不得日子說話無限不好處使其自危自惕意拈悔
奕正用心樣子非謂其賢賢于已耳

尚勇節

尚只是尊崇意上則一切才情氣魄皆出其下若說
見義必爲仍是引向勇路去了

有惡章

稱人惡二句是假氣節勇無禮二句是假經濟微爲
智等是假道德聖賢各以惡持之所全于世道人心
處甚大了

難養節

君子能馭下在修身不在用情近之遠之皆就情上
作用故難養非不能養則所以持于不孫與怨之先
者可知矣

年四十節

人誰肯以見惡終乎直令他不勉強不得伯玉五十

知非武公九十知微只是不肯終一念

微子章

仁只是不忍真心三子各隨地位時勢竭誠爲之皆惻然不忍宗國之一念故曰仁殷有正見殷不能有意

夫既賢夷齊何以仁微箕孤臣可死千載有二義商出攸關萬古有三仁

柳下惠節

上師要說到關係處直道必不可易故魯何能黜惠

惠能直不能枉自討个三點耳

待孔子節

待便非舉國以聽已非用了况又曰不能用乎

歸女樂節

桓子受制陪臣幾幾不免故發憤而聽孔子及境內
治安隣國効順受女樂而君臣怠荒無復有爲了孔
子安得不以膳肉行

楚狂章

玩何德一語直是不欲其衰意何等熱心是以急欲

與言趨而避者。直欲夫子尋味歌中意耳。
知接輿所歌。便可知孔子所言欲言則已言之矣。

長沮章

易字正夫子生平熱心大力沮溺道出可謂慧眼故
問津撫然皆易字意而同字與字尤夫子從耦字善
刺動處總天下有一毫不可爲豪傑不肯犯手天下
有一毫可爲聖賢不肯放手自如此

同華鳥獸直是辟世字不可者正懼無道愈不返耳
吾字何等親切徒字何等關係與字何啻吉凶同患

正易字真作用有道不與易正見無道不得不易
九年之水故須堯五年之旱故須湯春秋戰國無道
之天下故不得不須孔孟

丈人章

隱便是不仕了義何可無所謂廢義而亂大倫也君
子之仕只不隱便是仕正以行臣若之義俾事使不
至滅没于天地間行道孰大于此者道之不行二語
直是寫出必不得已深心非謂行義非行道也日行
道丈人可爲隱者日行義天下有無君之國乎

逸民章

逸民惟置身宇宙之上所以立品夫子惟用身宇宙之中所以易世我則異正有不得不異者非故爲異也

伯夷叔齊與明是世不能及兩謂字正贊賞語氣猶謂降志辱身而中倫中慮若斯謂隱居放言而中清中確在此各中字要得閒閒潛遠意若着意則非逸字生面無可無不可直是求志達道滾作一團必不忍遺世獨立意非以已折衷數子也

太師章

避人爲適避地爲入三家何不能禁可見能竊公家之樂不能奪哲士之心而大樂直散在天地間矣非其官之罪故書職非其人之罪故書名非其心之忘乎魯故書地

謂魯公節

各不字無字直是惓惓忠厚正足延國脉于無疆無求備謂事未嘗不備而不于一人苛求體臣善任俱在此矣

約說

八下論

號

八士節

從我周培養來故曰周有三人去而殷亡八士生而周昌人才所關豈小乎

達等要發周有各字意帶爲形容

士見危節

須領得士字重學力作用處都在此致字見大識力獨不着思字者容也便轉念了至深惟充類至盡之關本始必報之意一本莫解之故正非等閒可能其可直是讚辭已矣者大本立別無餘事正見可字意

註成乎其可故是

執德節

既已是執是信道脉之偏全學術之真偽須于此係故急以有亡字激發之

問交節

對門人說子夏之言爲是子張之說故不可少合之所謂汎愛衆而親仁

不可自當拒衆不能非不可自當容且矜賢不賢正可不可字子張原說不必拒不能拒未嘗說不可拒

也。

小道節

可觀者不必可致。可致者不必可觀。君子正在作用宏大德性。翕藏處做。

日知節

日知無忘。各有時習工夫。在正所謂溫故而知新。故非好學不能。

博學節

學是學个甚麼。正是仁字志等。肯若此。如何能博能。

篤能切且近正是仁流注結聚處故曰仁在其中固
不得此外更言仁也

百工節

學字直是用志不分乃凝于神正照居肆字看若以
學致道分心于致便不得爲學又何致道之有

必文節

文直是自欺以欺世正于小人必之

三變節

若于中和盎盎容貌辭氣自無不曲中在望之卽之

聽之見爲神化莫測君子只不失其常而已

君子信節

信直是吾斯之未能信的信字可對民可對君而不
可對夢寐便非信故註以誠意惻怛訓之而後者非
謂信遂可勞可諫正是模寫信字鬱勃紆摯處各則
以爲者勞原非厲諫原非謗未信則以爲厲已謗已
信何可不至哉

大德節

隨出隨入原非踰字若大德踰閑小德卽出入亦不

可了直是大小兼修意

洒掃章

本末始卒之論各自正當但卽末正以見本有始可以該終洒掃應對先後區別夫子固一以貫之

仕優節

仕優不學便非真本領學優不仕便非真作用二則字皆必不容已意正見仕學合一處

從仕說起見仕不廢學更難

致哀節

約說

八下論

卷二

哀不致有不容自止者

吾友節

爲難便非爲仁曰然而未仁者正轉其馳驚俟其克復耳

堂堂節

堂堂自是正大開霽模樣發越多而斂藏少故難與爲仁並者直是張自張仁自仁意

自致節

死必也及乎字正欲人卽親喪提醒本心使凡事皆

須有一片至誠意不然人未有自致豈非罵世

孟莊子節

孟獻子所行之政所用之人莊子一一遵守直是竟其未竟以忠君爲孝親正孝弟一義故曰難與不忍意無干

士師節

犯法由于散散由于失道此民情大可哀矜處尤士師所寬忌如字喚則字倍覺惻愍正見得情非難失道民散已早爲士師得其情矣

不善節

非寬紂亦非借紂爲鑒正甚言不善必不所爲流字直恁猛省水赴下而不可止是以曰小人下達見不善如探湯正于居處防之也

君子之過節

只看君子與日月光明無翳處而之過之食自明皆見皆仰正是上二句非証之也過與更總在一時說

焉學章

焉學便只在學上說所謂多學而識之也子貢急提

道字便見所以學處賢不賢皆文武之分身夫子見
文武不見賢不賢文武亦道之合脉夫子見道並不
見文武故焉不學正是集大成處無常師正在此故
着而亦字不然師賢師不賢師文武皆常也正好着
指出文武拈定在人非遡道脉止爲常字伏案耳

叔孫武叔章

宗廟百官與室家不同然要拈美富字愈見無所不
佳無所不有意若拈定宗廟等猶滯了得其門竟削
去入字更妙見不但不能入卽門亦不可得了

毀仲尼節

仲尼日月非喻辭亦非影語直是仲尼搏捥陰陽陶
鑄羣生無仲尼而萬古長夜有仲尼而日月中天不
知仲尼仰觀日月而已矣踰字直是過字意若因丘
陵軍作高說天已踰之矣

陳子禽章

及字照賢字正所謂一言也通章只是不可及三字
得邦家一段正妙極形容夫子之不可及却勿倒說
人不及夫子乃是化不可爲非人不能爲化意夫子

何處容及天何處着階也立道等直是天了各着斯
字止不由階級處如之何過真斯字意益見得邦家
須玩者字正指存神過化處猶言所得于邦家者若
是得邦家則直是也字了故只在紫位道化模擬若
填一總制語便千里矣

容爾舜節

堯舜傳賢湯武不殺賢能舉賢總以爲民而精神尤
在四海困窮天祿永終萬方有罪罪在朕躬百姓有
過在予一人數語總是先後合符其道曰中其心不

約說

六下論

全

過寬信敏公千古帝王所以承天永世一而已矣

曰歷見上下古今都在此曰數見數在而道在曰爾躬正下所謂亦以命禹及朕躬予一人等直是脩己已字了允執正在治四游處不由此擬不由安排無非至當非第以大本言中也

堯只允執一句舜乃益以精一危微等蓋允執固有精一在困窮永終正逼真危微意總非創說故曰亦以

予小子不敢居己于君敢用玄牡不敢遽變夏禮敢

罪告不敢擅言命討也

武王克商便把大賚做第一件事正是四海困窮真傳

大賚便是富善人非善人加厚意蓋紂時所富皆不善人也大賚正紂所積者紂惟積故不能有武惟大賚故商有直爲周有矣

權量如何居先正是平其在官使無過取于民故法度等次之

日所重民食喪祭正可見立法經治無非爲民意

約說

天下論

矣

寬信敏公正聖賢純天學問所謂寬如覆載信如四
時敏如行健公如造物而帝王所以得衆等正在此
是以堯舜等至今在也

尊五美章

通章句句要關在政上方是從政神脉

樹美務滋去惡務盡故尊屏字須說得鄭重

惠而不費等須在君子二字尋討

因生于天因養于地因制于人種種曲盡故曰所利
易曰裁成輔相以左右民正此意勞安所得可知三

展有隙時之可一勞永逸理之可擇直是不忍勞了
欲在仁得亦在仁故非貪泰直是鎮定意無衆寡小
大正泰之象無敢慢正泰之神如用敬字無論于泰
不肖豈不又添一美了正其等語氣直是以仁守爲
燕洩本恂慄爲威儀了節中各句俱要入尊字意
吝何足爲惡但一吝而賞不足勸與不爲恩百政俱
從此壞故但謂有司不可謂從政豈非惡之氣當屏
者乎

殺寬之反不戒斂之反慢令信之反吝公之反正夫

約說

八下論

卷七

子四海困窮之咨也。

不知命章

知命者至命之學也。知禮者盡性之學也。知言者窮理之學也。窮禮盡性以至於命。君子之能事畢矣。故曰聖學終始于一知。正好看一部論語關鍵處。

下論約說終